

OMUKWETU


Registered at the General Post Office as a Newspaper

10c

Mboka ye li metegelelo, kaya nyenga we okukwathwa

"Okunwa iikolitha nomakaya kwomukiintu e li metegelelo, oku na oshiponga shi li popepi," osho sha tiwa komundohotola Veli—Pekka Jääskelainen, omasiku ngaka sho a galuka koshigongi shoondohotola dhomavu gaa-kiintu kuMekisko.

Omutumwa moshipangelo shetumo mOnandjokwe, Jääskelainen, okwa londodha ngeyi aakiintu ye li metegelelo, yaa ipangithe kushaangoka, yo yaa nwe we omiti, inaashi za kelombwelo lyomundohotola.



omumbisofi Paulus Mhlungu

Oondohotola 10,000 dha za koombinga adhihe dhuuyuni, odha li moshigongi shadho shoshiwike shimwe. Ohashi gongala konima yomimvo ne.



Omundohotola Veli—Pekka Jääskelainen

Jääskelainen, okwa li gumwe gwomoshigongi shoka sha li nelalakano lyokwiilonga nangano omikalo omipe dhokukwatha aavali.

Mekwatafano naashika, omushamane Jääskelainen, okwe shi hepaulula ehe na omalimbililo, kutya onghatu oya londa paife mokukwafa oikitakani ihapu hai hange ovo ve li meteelelo.

Oukwashiiyongeleka mu FELKSA wa kundafanwa

Eengeleka 4 eenghwaevangeli paLuther mu S. Afrika, oda indila oshoongalele shokomudo shEhangano leengeleka eenghwaevangeli paLuther moumbuwanhu waAfrika, di lundulule oukwashilyo wado mehanganano eli. Eindi-lio eli ola tambulwa.

Eengeleka ne dOvalaule mu S. A. oda kala oilyo yehanganano eli, keshe imwe pamufika wayo. Okudja 1975, eengeleka edi oda hengu- mukila mumwe, da ninga Ongeleka onghwa-

Tala kep. 8

OKEVANGELI NENGE OKUUNONGONONI?

Ongundu yetu yuuteolohi muSoomi manga ya li mo-maidheulo gahuginina, oya hiywa yi talele po oshipangelo shaavumbepomwenyo (mental patients). Omusitagongalo ngoka a li e tu hiya tu menekele omasiku gamwe moshipangelo shoka okwa li e tu kundu ngeyi:

"Onda dhimbulula kutya omuntu shaa e ya moshipangelo shika nena okwa fa owala oshiyagaya sha tu-lwa mondoloma. Nomusitagongalo osho tuu waaha mono ta landula omukwanegongalo gwe. Aakwawo malwa manene. One ngaawiliki yomagongalo komeho onda hala mu uveko nawa uudhigu waapwidhi opo mu ka kwathe aantu ya kale nadho ngaashi omuntu e na okukaliwa naye."

Otwa ulukilwa oshipangelo kehe gumwe gwetu okwa pewa omuvu a kundathane naye. Konima otwa ningilwa ootundi koodohotola nokomusitagongalo tu fatululiwe omaludhi gomavu gopambepomwenyo (mental illness).

Moonkundathana noondohotola nomusitagongalo otwa li twa holola kombinga enyanyu lyetu sho twa mono ompolo yokukala mehanganano noomentala noku dhi ilonga. Kombinga onkwawo otwa li shili tu uvite uunyengwi okumona uuyeleele nkene tadhi kwatha. Ngame onda etele omusitagongalo epulo ndika:

"Onda nyengwa okuuvako okupumbiwa kwoye moshipangelo shika, oshoka sho nda tala aa mbaka iinima yopambepo noyopaitaalo oyi li ngashingeyi kombanda yokudhiladhila kwawo. Oto ya kwatha ngiini ngomuteolohi?"

Omusitagongalo okwa gandja omatompelo kutya oshike e na okukala maavu mboka na lwahuginina okwa ti:

"Ondi li moshipangelo shika oshoka onda hala okutseye nawa omuntu ngaye ndi vule oku mu kwatha. Mokukala naavu mbaka onda yelolwa nawa kondilo yoshitya "pastor" (omusita) shoka osho nda hala ndi ithanwe nasho pehala lyoshitya "reverend" (omusimanekwa)".

Kombinga yandje onda dhimbulula elago lyandje okumona ukwatya womuntu mboka ndaa na ompito oku u monena moshuuvithilo. Mpeyaka onda ndhindhilike ondilo yoshilonga shuusita okuyakula omuntu e li monkalo ya nyanyagulwa.

Okukala kwetu kwongashingeyi muuyuni muka okwopondje yOparadisa, onkee amazigudhe omolwoshikwiila shetu otaga ndonda. Omavu gopalutu nogopambepomwenyo otage tu hepeke. Eso otali tu adha. Aantu yowala, ano mboka inaa nongonona omavu gopambepomwenyo ohaa nyengwa okutaamba nokuzimina aavu mboka, oshoka kaye shi shoka shi li po.

Omavu gopambepomwenyo sho ge li po ogendji, onda hala okulongitha oshitya shoka tashi uvika ko nuupu pashiwambo, UUGOYAVU. Moshitya shika onda kwatelela mo omaudhigu agehe gopambepomwenyo. Omuntu ngele te ehama uuvu mboka, uupersona we owa tenda omusa nokwiihumbata kwe okwa nikila yakwawo mboka ye li nawa uugoya.

Shimwe ashike ngaashi oshitya tashi holola omuvumbepomwenyo ngele ota ningi sha sha nika uugoya, itashi ti, oondunge a kanitha. Onkee uugoya te u ningi kau shi uugoya tau zi muugoya, ihe uugoya tau zi muuvu. Aantu sho inaa tseye oshiholekwa shika olwindji shoka taa ningile omuvu ngoka oku mu yola noku mu sheka noku mu shundula noku mu huga nokuli.

Omugoyavu oku na shili uudhigu monkalathano negameno lye nokuthuwa po kwe muudhigu mbuka ote ku monene owala paapangimwenyo mboka ya putudhwa shili muule okutaamba nokuzimina omuntu, kehe e li ngaashi e li. Monkalathano omuvugoya okwa talika oshintu, ihe paanongononi yepangomwenyo omuvugoya oye omuntu ngaashi aantu ayehe.


Omuvugoya sho e na oondunge nota vulu okulandu-lu omainyengo gaantu mekwatathano naye, ngele o-

ta dhimbulula kutya kee liwe naye ngaashi omuntu a ziminwa maantu aakwawo, ihe oku li po ta nikwaa-nikwa, shika otashi mu etele okuponga nuudhigu owindji momwenyo. Aavugoya oyendji ohaa kala ii-hakanwa yeidhipago nokuli sho taa nyengwa okuhumbata omutenge ngoka.

Aantu ye na omaudhigu gopambepomwenyo otwa pumbwa oku ya kwatha .Oku ya yola, oku ya sheka noku ya huga itashi eta po sho itashi kutha po sha. Tu tseyeni kutya aantu mboka oye na ashike uudhigu wokombanda yevi ngaashi tau adha aantu ayehe. Otu na okukala nayo nombili nonohole noku ya zimina kutya yo aantu ngaashi aakwawo. Uugoyavu nongaashi omavu agehe gopalutu ihagi ikongelwa owina komuntu. Onkee okushundula aagoyavu ngele tayi ihumbata nuusama moluuvu wawo, otashi tu ni-kitha uugoya.

Otseni mboka twa taamba evangeli lyOshilongo sha-Kalunga, otu na okuputuka miinima ayihe palyo. Olye tu pa ashihe shokukala nomuntu omukwetu kehe pamakalo omuwanawa notagu tungu. Koonkondo dhevangelii omeho getu otaga pashukile oondunge oombwanawa okukala nomuntu kehe omukolele nomunkundi omusimani nomudhinwa mehanganano lyuunwayinathana womuKristus.

Elia Niinkoti



Etungongeleka, ndyoka li li, ekundo lyaagundjukangeleka koshituthi shoovula 200, olya yapulilwa oshilonga shalyo komuwilikingeleka Kleopas Dumeni pamwe naakwathi ye. Ongeleka oya tungwa mokati kaAyelele mOnankali muuzilo wOndonga.

Edhiladhilo lyokutungitha Ongeleka ndjika R4824, 00, olya zile mehewo lyaagundjuka molwoshituthihambelesho shomimvo 100, Etumo sho lya longo mOwambo, sha dhanenwe mOmandongo 1970.

Eyapulo olya ningwa montaneho yaagundjuka ayehe mOngeleka, manga ye li moshigongi shawo shokomuvvo mOnayena pokati kaSeptemba naKotoba nuumvo.

"Ngele tse aagundjuka tu li po nena, itatu ka dhana we oshituthitumo shoovula 200, mboka naya ka kale ko, otatu ya tumine omakundo, 'Ongeleka', iilonga yiikaha yetu."

(Mefano mepandja 4, omuwilikingleka Du-
meni ota monika e li pokati lela. Konima ye
oku na omutungu Tomas Shivute. Popepi no-
muwilikingleka kolulyo lwe, omuwiliki gwo-
shilonga mokati kaagundjuka, Heikki Ushona
noshilyo shepangelongeleka Josafat Sha-
nghala. Kolumoho, omunashipundi shEwiliko-
ngundu lyaagundjuka Salomo Elago nomusi-
ta gwaagundjuka moshitayingeleka shUukwa-
nyama Immanuel Mungungu).

KRISTUS E VULE MOSES

Hes.3:3.

Moses oyAmram naJokebed, gwomezimo lyaLeevi
gwomaandjaRehat lyaLeevi. Omumwayina oMirjam
naAron. Okwa valwa pomimvo 1525 B.C.

Pelala ndyoka Farao okwa gandjele oshipango uuma-
ti auhe wAaheberi wu umbilwe momulonga gwaNii-
li. Yina okwe mu tungile okashungu ete ka holeke
momanenge gomulonga.

Omumwamunyembala okwe mu toola mo nokwe mu
yamithitha kuyina. Okwe mu luku Moses. Ohaku tiwa
mOshiheberi Mooshe osha zi kuMaasha-okukutha
moshiEgipti. Mes-okweeta po-okanona, nenge okano-
na kake na he.

Yamwe ohaa ti: Moses osha zi koshiyegipti-Ra-Re-
mes-su-Tashi ti, omuna gwa Reano edhina kwa li li
kale Remses. Yamwe ohaa ti, otali ti: okamentu ko-
momulonga.

Moses oshinima oshinene mulrael. Okwa li ekologo
lya tek' omeya kokule. Okwa li omuntu ngu a mo-
na Kalunga koshito.

Okwa putudhwa mooFarao omimvo 40. Okwa kala
muMiddian omimvo 40. Okwa wilike Israel omimvo
40. Omentu gwomwenyo gwa ngungila, hi idhidhimi-
ke nomwiitaali. E hole oshigwana she, shi mu vulile
ayihe. Okwe shi kondjele.

Okwa li ependa, omuprofeti, omugandjiveta., omu-
nyoli gwoohapu dhaKalunga. Okwe etele aantu elaka
lyaKalunga. Okwa putudhwa nawa mombala yaFarao,
okwa kala paakwaniilwa.

Okwa putudhwa nawa mooJetro. Okwa kala paasa-
seri. Okwi ithanwa kuKalunga a mangulule Aaisrael,
nando pwa li omakandaakando, inaga tompola sha.

Okwa longo iikumitha muEgipti. Opaasa oya hupitha
Israeli muEgipti. Okwa li e na onkulundhimbo tayi to-
pola omeya pokati noya sindi aatondi. Okwa pewa
iipango kuKalunga. Oshipala she osha tayima keya-
dhimo ekwagulu.

Okwa gandja omisindilo kulraeli. Aana yaAron oya
ningi omulape sho ya dhanene Uuyapuki waJehova
Mirjama okwa kwatwa kuulepera sho a sile Moses
efupa. Okwa li ekenye lya pita miikukutu. Okwa
lotitha iipotha ya nyukwa.

Moses okwa pogola sho a lombwelwa kuKalunga a
lombwele emanya lii ze omeya, ndele okwe li dhe-
nge. Molwashika ina thika we kevi lyeवलुलुको lya-
Kanana.

Pasilohenda okwe li tala e ta sile kondungu yondu-
ndu yaNebo. Hiti, katu shi iisa a sa. Uuna a ka sa
okwa totomonene Israel oshitewo shelaleko nuuya-
mba. Tango okwi imbi nosho a londo kondundu okwa
yambeke Israeli. Kondundu, a tala evi lyeuvaneko ye
ina lyata mo ompadhi.

Omumati nguka okwa li omudhiginini. Okwa si e
nonidjunga noonkondo dhokulonga uuna ndoka okwa
li ombambandjele yowala. Judas ota ti:

Mikael na satana oya lwila omudhimba gwe. Jesus
meadhimo kuTabora oya kundathana naMoses nElia.
Moses okwa holoka meyadhimo.

Moses okwa gwile memakelo ndele okwa yambuka
po. Oye oshiholelwa shooitaali yonena..

Tse otu na Kristus. Kalunga ote tu popitha muKri-
stus. Jesus oku vule ayeheyehe.

— Aayengeli
— Moses
— Aron

Okwa yi muuyelele lelalela eta holokele koshipala
shaKalunga. Natu itaaleni Kristus. Tu ihuleni shaasho-
ka tashi tu thindi pohi nuulunde ihau lwedha oku tu
idhingila.

Natse otu nokupita momamakelo nokuya kuTate Ka-
lunga.

Omusita omukuluntu ote tu thikitha meyadhimo.

J. Amakutuwa

OMUKRISTE NOMUDHINGOLOKO

Tango natu tale oshitya "omudhingoloko"
shoka tashi ti. Oshitya shika otashi holola uu-
popepi nangoye, nenge shoka shi ku li alu-
he popepi. Pehala kehe u li po, olye ku dhi-
ngilila, nongele ou li mOwambo, muEuropa
nenge peni.

Omudhingoloko ogwa tungwa muunshitwe
auhe, aantu, iinamwenyo yilwe niimeno wo.
Mpaka onda hala tu tale kombinga yonkala-
thano yaantu naantu.

Aantu otaa yooloka moongundu mbali; (a) o-
ngundu yooitaali (b) nongundu yaakaaneitaa-
lo. Omukriste ota pulwa moshipalanyolo shi-
ka nkene ta kala mongundu yaakaaneitaa-
lo.

— a kale nayo nohole

— a kale puyo, ihe ina ninga gumwe gwa-
wo. Elongo ewanawa mushika, oJesus ngoka
a kala naalunde, ihe ina ninga omulunde pa-
mwe nayo.

— a kale omupukululi gwawo mohole

— a kale omugalikaneni gwawo.

Ooitaali naakriste, nayo aantu wo taa yoolo-
ka moongundu mbali (a) aakriste aalimbililwi
(b) naamboka ye na omukumo.

Omukriste na kale ngoka ta hambata uunku-
ndi wayakwawo. Naa tsaathane omukumo
yo naa yakulathane.

Omukriste oku na etokolo muye mwene nge-
le ota yi kOngeleka, nenge ota ka shinga
omalovu. Shoka Ombimbeli tayi ti kombinga
yomidhingoloko moka tu li:

— natu hokolole Kristus pehala kehe tu li
po, 2Tim. 1:7,8

— natu kale hatu dhimine po yakwetu,
Ef. 4:31,32

— omukriste kee shi onkolwi, Ef. 5:17-20

— omukriste omulongelikalunga, omwenyo
nolutu, 1 Kor.6:20

Klaudia Nd. Kookayi

AILONGI AAKRISTE OYA HALA OKUGO- NGALA ISHEWE

Uutoye wa zi moshigongi shaamboka ya li nale iilyo yEhangano lyAailongi Aakriste (SCM ex-members), shoka sha gongala omasiku ngaka mOsekundosikola yaKahao, owa eta ondjuulukwe miilyo mbika opo okugongala kwawo kaaku kale kwahugunina, osho wo omasiku goshigongi ga lelepekwe kashona.

Konyala aaniilonga ye thike 70 oya li ya kala moshigongi shika sha kala omasiku gaali (8-10 Kotoba).

Uuyelee owindji owa monika kaanashigongi miilongaithano yawo moka ye li mo, unene molwoshipalanyolo shika sha li oshipalanyolo shoshigongi. "HANE MWA HOGOLOLA NDJE, ONGAME NDE MU HOGOLOLA" Joh.15:16. Omuwilikingeleka Kleopas Dumeni okwa li eshi toloka mo nawa.

lipopiwa oyindji oya li wo ya popiwa. Aapopi oya longithwa kOmbepo Ondjapuki. Aaniilonga oya mono owino owindji kombinga yehupitho lyawo osho wo monkalamwenyo yawo yesiku kehe.

Oyendji oya holola kutya oya shunwa pomuthika (kombinga yeitaalo) mpoka ya li po omanga ya li mosikola.

Aanashigongi oya hogolola ewilikongundu lyaamboka taya kala aalongekidhi yoshigongi (ya kuthwa moshitopolwa kehe) tashi ka la-



Ongundu yaailongi aakriste mboka ya piti mo momanongelo sho ya gongala moshigongi shawo mOkahao

OMUPRESIDENDE OMUKULU GWA WCC A HULITHA

Ngoka a li nale omupresidende gwOongeleka dhahangana mUuyuni, Johanon Mar Thomas, okwa hulithile muukokele woomvula 83, mu Septemba nuumvo.

Omusamane Thomas gwOongeleka yaSiria mu-India okwa longo oshilonga oshinene muukumwe woongeleka. Ewiliko lye olya kwatha aangeleka osho wo aakwashilongo ayehe.

Omulumentu nguka a longa iilonga oyindji mokukalamwenyo kwe. Epopyo lye lyuupolitika wonkalathano owa li aluhe wa kankamena kuukriste.

Pethimbo lyeso lye okwa li gumwe gwoopresidende dhewilikongundu lyokukwatha mboka ye na aakwawo ya edhililwa moonholongo, moluupolitika, muIndia.

Amushanga omukuluntu gwOongeleka dhahangana mUuyuni (WCC) dr. Phillip A. Potter, okwa tumu etumwalaka lyehekeleko kongelegeka yaandjawa yanakusa.

(EPS)

AANASIKOLA AAKAHAO YA PANDULWA

ndula ko komeho mekwatathano newilikon-
gundu lyo SCM.

Waa li ko ino mona. Omaimbilo niipopiwa iwanawa ya li hoka, iihuna. Takamitha waa pitililwe po kushoka tashi ka kala ko omumvo tagu ya. Aniwa otashi ka ningwa tango kwaa-shoka shaamboka ye li mosikola. Esiku otali ka tseyithwa komeho.

Mwa thika nawa aanasikola Aakahao?

Otwa pandula ketalelopo lyeni (lyeti 13-16
Juli nuumvo) mOmbundu yaKiyala.

Otandi pandula omulongi Selma lleka natate Shuuvuni. Inandi hala wo okudhimbwa Natan-
nael, omutowaleki gwohungi yeti 14.7.76.

Gideon I. Itewa

MOSHITAYI AALUMENTNU OYA GONGELE R244

Mesiku lyegandjo lyepandela lyaalumentu ya-Shitayi, aalumentu yegongalo ndika oya li wo ya toto oshiketha shawo noo R244,52.

Aantu ye vule 2 000, ya za komagongalo gopuushiinda oya li ya gongala mOshituthi shika okutala aalumentu mbaka ya kutha ko oongaku.

Oshituthi shika sha tamekithwa nelongeloka-lunga, omuyevangeliste gwongeleka Efraim Angula mevitho lye pa Lukas 10:38-42, okwa ti ngeyi:

Aantu kombanda yevi oye li po nomaipulo ogendji. Jesus ota taalele kaantu mboka ye na omaipulo. Okuya kwe pomuntu okwo othithiya yuuyamba pomuntu, okuyamukula ompulo.

Marta okwa taamba Jesus, ihe ina pyakudhukwa opo Jesus e mu yakule ngaashi Maria. Oku li i ipyakidhila ngaashi aantu mboka yaa na ethimbo taya longitha owala oondunge dhawo. Oyi ipyakidhila oshoka oye wete okukala puJesus itashi ya kutitha.

Jesus oku li po osheelo moka tamu pitilwa. Ontumba oyo eliko lyomegulu ndyoka Jesus e li eta kungoye.

Silas kweyo

Edhina ndika otali tumbulwa olwindji megongalo lyaShitayi. Omunangeshefa nguka okwi ihepeke olwindji okukwatha egongalo lyawo. Mesiku ndika okwa li a gandja kaalumentu iinima mbika:

Oshuuvithilo, Elaka Etoye (Etestamendi Epe) oshiketha shiimaliwa, Ombimbeli yOshimbulu, oshipelende shi na omishigakano odhindji (tadhi ulike oshilonga oshinene shomulumentu), noongombe mbali. Oye wo a li omugandji gwepandela ndyoka lya landwa kaalumentu Aashitayi.

NDJOBA TA GALIKANENE AASHITAYI

Oministeli yOwambo omusita Kornelius Ndjoba okwa li wo a kala moshituthi shika pamwe noministeli yuuyuki (yOwambo) omusamane Tarah Imbili ngoka e li wo oshilyo shehangano lyaalumentu mOshitayi.

Oministeli Ndjoba moshipopwiwa she okwa kumagidha aalumentu ya gongale poohapu dha-Kalunga. Mokuulika komipopyo ndhoka hadhi zi pondje kutya aalumentu ihaya kala poohapu dhaKalunga okwa ti, kutya oshinima tu na okuningeni aalumentu osho owala okwiitedhulula. Okwa uvaneke wo kutya ita ka dhimbwa okugalikanena aalumentu Aashitayi.

EKWAFO NDE LI PANDULA


MuJuni 1976, eumbo lange ola li la mona oshiponga shomundilo, la xwikwa po kounona, ndele epata lange tali pi po, nomaanda a pya po.

Ashike shikumwifa, okaanda kamwe, oilya inai pya, oye likwata ashike kumwe. Oivalati oya pya ko sheke, ndele oilya oi li ashike ngaashi i li.

Ekwafo nde li mona, olinene, itandi dulu nokuli oku li tumbula. Onda longelwa oshilonga shinene kovaitaveli meongalo letu laMundau-ngilo, nosho yo omakwafo oo a tauluka oyanomifitu.

Iyaloo, iyaloo, kekwafo eli. Kalunga ne mu hapupalifile mwaayo mwa kufila nge.

Luise Ndahanguapo



Omusitagongalo Titus Ngula, ngoka ta lele egongalo lyaShitayi. Tate Ngula gwomimvo 50, okwa kala wo ethimbo ele omusita gwaa-gundjuka moshitayingeleka shOndonga noma-siku ngoka okwa hogololwa kEpangelongeleka a ninge omupehatonateli moshitayingeleka shika.

IIPONGA YOMOONDJILA

Aantu 4,054 oya sa miiponga yomoondjila mu S. Afrika na 10,579 oye ehamekwa noonkondo. Miiponga mbika omwa yonukile wo iiyenditho 167,416 mwa kwatelelwa oombasikela.

TATE, EHALO LYOYE NALI
GWANITHWE

Osha kala ehuku lyoshigongi shaagundjuka ayehe yookomboni adhihe mu C.D.M. moko-mboni ya Ubvley. Oshigongi osha ningile mu-Aguste mewiliko lya Rev. Stefanus Mvula ngoka a fatululile aagundjuka oshipalanyolo shomumvo.

Oshigongi osha li sha gongala konyala aantu ye thike po 600 moka oongundu dhomalwii-mbo dha li wo euvitho enene lyevangeli mokati ketu.

lipopiwa ya etelwe po kaapopi yi inekelelwa aagundjuka okulonga oshilongatumo mokati kooyakwawo. Oya li wo ye ya kumike shili unene tuu mboka tu li mehalakano oku shi longa mokati kooyakwetu mboka tu li nayo nopambepo wo.

Aagundjuka otwa tsuwa omukumo tu hogo-lole tse yene okulongitha iikolitha nenge o-kuyi etha mokulonga uuwanawa kooyakwetu.

Okwa hololwa wo omauwinayi ngoka taga zi miikolitha ngaashi okuhanagula, uukolokoshi nosho tuu eyonopo lyeshito lyaKalunga, sha kwatelela mo olutu lwomuntu mwene ngashi:-

- (a) Uuluyi otau yonuka.
- (b) Omaiuvo agehe taga si.
- (c) Ehuli tali kukuta.
- (d) Elambalamba tali zindi.
- (e) lipa yela tayi pushuka.

Aagundjuka oya tsuwa omukumo methimbo ndika yi iuthe kohapu yaKalunga nokuyaku-lathana wo nombili.

Omathigathano ga ningilwa aagundjuka oga li ngeyi:

Local	R130,98
Uubvley	128,11
North	106,00
Affen	50,00
Sumina	21,66
	<hr/>
Kumwe	436,75
	<hr/>

Tse aagundjuka otatu indile wo kaakwaE-LOK nokaamwamemengeleka amuhe oku tu galikanena. Muka onkalo yamo oya ningi ondhigu noya hala oku tu kanitha unene tuu iikolitha netilohi lyombinzi oli li popepi.

Otatu hambelele Kalunga sho ehalo lye tali longo natango nomutse okulonga oshilongatumo mokati ketu nokaapagani wo.

Peha lyoshigongi
I. Lax Haipinge
Omuwilikishigongi

ETUMO OTALI TETEKELELE EHANDU
LAKALUNGA

Kalunga ota pendula mokati kovana vovanhu, ovo tava twala etumwalaka moovakwao. Etumo otali tetekelele ehandu laKalunga, manga inaali fika. Pa tungwe eameno.

Kape na omunhu ta shiiva Kalunga, manga Kalunga inee mu lihololela. Fye vene itatu udu ko Etumo, ngenge hatu tameke pufye vene. Etumo ohatu li udu ko ngenge hatu tameke puKalunga.

Kalunga ohatu mu hange ta yoolola, ta tongola nota pake aishe peenhele dayo. Oshikoloni sheshito laKalunga osho omunhu. Ngeno eshito, Kalunga ina shitila mo omunhu, ngeno eshito kali na eshi tali ti.

Paulus Heita



Aatumwa Aanamibia kuSenegal, omusitagongalo Paulus Heita nomukulukadhi gwe omupangi Fiina nokamwana Rakkell Metumo

Oluhodhi lwe tu adha

Elaka lyoluhodhi oye tu zile omasiku ngaka kOsoomi, tali hokolola omutumwa omukulu mpaka mOwambo, kuku Ebba von Pfaler, kutya okwa hulitha ko oondjenda dhe moshipangelo hwiwaka.

Kuku Ebba, okwa longo unene hwiwaka kUuninginino kOmbalantu, ethimbo ele ongomupangi. Ondjungu ye miilonga yesiku kehe, oye mu pethitha edhina ewanawa kAawambo, "Nandjungu". Okwa lesa oshifo shika Omukwetu nohole oyindji.

Aatumwa oyendji yOngeleka yetu kuSoomi, oya kwathwa kuye okuuvathana mOshisoomi nOshiwambo. Nonando a kala hwiwaka ethimbo ele, omwenyo gwe aluhe ogwa kala mokati ketu mpaka. Okwe tu galikanene kee na nando ezimbuko.

E tu tetekelele kebululuko lyaana yaKalunga. "Tate, ehalo lyoye nomushika nali gwanithwe".

(Omukwetu)

Muzorewa omuyapuki

"Efatululo lange koshitya 'ouyapuki' itashi ti omunhu ou e li mofingo itoka, ile omunhu wOmbibeli ashike monghwapa ile mondjato. Sho itashi ti kutya, omunhu ou ha i kOngeleka efiku keshe. Kwame omuyapuki omunhu ou e hole vakwao nota hetekele oku va longela noku ve liyandjela ngexwikilo.

Opadiladilo eli handi litale ndimuyapuki, handi longo oilonga oyo tai ulifa nge kuvamwe, kutya ondimupolotika."

Osho omubishopi wOngeleka yaMetodisi muRhodesia, Abel Tendekayi Muzorewa, a fatulula oshinakuwanifwa shaye, mokati koshiwana shaye.

Eengudu dopolotika muRhodesia (ZAPU, ZANU) eshi oilonga yado ya patwa kepangelo laSmith, ovalaule ove liongela natango kumwe va tunge po ongudu ipe, oyo tai kala moilonga yokukondjifa oukoloni.

Muzorewa oye nee a hoololwa a ninge omupresidende wongudu ei, African National Council (ANC) mo 1971.

"Moshondaha, ovanhu mOngeleka naava ve li meedolongo, aveshe ove li ovanhu vaKalunga paukwamhepo yavo, panghalafano, pa-xungomwenyo, paitavelo osho yo paupolotika. Eemwenyo davo oda kumwa koupolotika wefiku keshe.

"Omolwaashi oshilonga shemangululo lomunhu ile loshiwana, oshilonga shaKalunga lela noshi na okutambulwa nokuwilikwa pehe na omaongaongo." Osho omubishopi Muzorewa a hokolola.

Muzorewa noukomunisi

"Onghalafano inene youkomunisi, otai tu kumwe nevangeli. Moukomunisi omu na eembinga odo tadi tu kumwe nOngeleka, ndele dikwao itadi wapalele.

"Ondi hole oinima iwa yomoukomunisi, ndele ondi yele oyo ii, naanaa ngaashi handi panda oinima iwa yomoukaptalisi nohai tondo oyo i li mo ii. Hano ame inandi ama koukomunisi, ame inandi ama koukaptalisi ndele onda ama koshiwana shange shaZimbabwe.

(To the Point 15.10.1976).

AANDOWISHI INDENI KEGUMBO

Omusamane Egon Bahr, oministeli yEliko yaNdowishilanda lyUuninginino oya kumagidha Aandowishi mboka ya hala okukala moSuidwes kutya oye na okwiilongekidhila elunduluko kehe tali ya. Okwa hala wo pu ningwe oshiketha shokukwatha mboka ya hala okugalukila kuNdowishilanda.

"Ihe ngoka te ya kutse na dhimbwe omulandu gwokatongotongo. Osho wo kehe ngoka a kala mwAfrika lyokOlukadhi na lundulule


OYENDJI YI IGAMEKE KU SWAPO

Oongundu ndatu dhopolotika muNamibia, odha hokololwa dhi igameke ngashingeyi kehangano lya SWAPO. Etokolo lya zi mpoka sho oonkundathana noonkambadhala dhomusamane Henry Kissinger, gwaAmerika, yo noministeli yotango ya S.A. inaadhi eta po sha.

Oongundu ndatu; Vaalgras, Hoachanas, Witboois na Demokratiese Party, odho dha ningi etokolo ndika.

Omasiku ga zi ko, okwa hokololwa wo iilyo yoshigongi shoonkundathana dhaTurnhalle, mOvenduka, yokOkapriivi, sho ya li ya ningi iigongi mevigumbo lyawo, inayi mona mboka taya popile omadhiladhilo gawo.

Oshifo "Windhoek Advertieser", osha ti; aantu otaa pangelwa komadhiladhilo ga SWAPO. Ongundu yopolotika "Rehoboth Volksparty", oyo yotango ya ndjoina SWAPO pamukalo nguka.



Omubishopi Muzorewa

onkalo ye kashi na nee mbudhi kutya okwa tokola okukala nenge okuya kevi lyawo pale. Muuyuni muka kamu na wehala lyokatongotongo nuukolini", osho omusamane Bahr a ti.

Okwa ti wo kutya oshilongo shawo otashi tsikile nokukwatha aakondjelimanguluko, ihe hamolupe lwiikondjitho.

(Advertiser 7.10.76)

Rhodesia 1978?

Eenghundafana pokati koministeli yotete ya Rhodesia novawiliki vane tava kondjele emanguluko loshilongo osho, edi da kala omafiku aa muGeneva, da xulila momhepo. Engilanda naAmerika ovo va li ovakwafeli okukandula po omalipumo mumwe meenghundafana edi.

Eindilo lovalaule, kutya Rhodesia nali pewe emanguluko moule weehani 12, novalaule nava kale vahapu, unene mepangelo lopakafimbo, eshi inashi tambulwa komushamane Ian Smith, ou a kala nEpangelo loshilongo osho.

Omumbisofi Abel Muzorewa, oye gumwe gwaakondjelimanguluko ya li moonkundathana kuGeneva, hoka oministeli Smith a zi ko ta nyenyeta, kutya kaku na oonkundathana natango, shila uudhano womavi.

Pauvathano lyoministeli yiikwapondje yaAmerika, Henry Kissinger, nomusamane Ian Smith, emanguluko otali gandjwa konima yoomwedhi 24, mwa kwatelelwa egameno yatitiliganane.

Oshikando shika oshitiyali shokuponya kwoonkundathana dhoshilongo shika ndhoka dha li dha tegelelwa dhi kuthe po oonkalankongo dhoshilongo shoka.

Oukwashilyongeleka mu FELKSA wa kundafanwa

Dha za kep. 1

evangeli paLuther ya hangana mu S. A. (ELKSA).

Omubishopi Paulus B. Mhlungu, oye a hoololwa mokati kovabishopi veengeleka odo, a ninge omupresidende wOngeleka ya hangana. Ovakriste mOngeleka ei paife ove li 500,000.

Eindilo ola etelwa oshoongalele shehangano lOvakwaluther moumbuwanhu waAfrika (FELKSA), opo oukwashilyo wakeshe Ongeleka yaadi da hangana u dimbiwe, ku valulwe Ongeleka imwe aike yahangana. Osha tambulwa.

Ehangano lOvakwaluther moumbuwanhu waAfrika, ola kala li na oilyongeleka 13, mu na ovakriste 850,000.

Oshoongalele shehangano eli osha li neudo muJohannesburg pexulilo laKotoba. Ovawiliki vOngeleka ya ELOK, omo va li moshoongalele eshi.

OSHIHAUTO TASHI LANDWA

Ilandela oshihautokalafana, o DODGE, omodela 1968, 1½ Ton. Oshe enda oomaila 31,000. Okalafana ya tungilwa kolutu lwashe omu na.

- oombete 4
- eehangakas 2
- ekende lyogasa 2
- esiga lyagasa 1
- oshiyaha shokukashela 1
- ootenga dhomeya 2
- oopatilii 2
- ombako yokupopila 1

Ondando R2950,00

Pula uuyeleele wa gwana ku:

Jeremia Namhindi

Posbus 77, Tel. 2131

Keetmashoop, 9020

OSHIPONGA SHOMULILO MOSHIGWANA

Timoteus Amuulo gwomimvo dha konda omilongo ne, okwa kanitha egumbo lye moshiponga shomulilo muAguste nuumvo. Ota indile pamwe negumbo lye kooitaali ayehe, mu ELOK, mOngeleka yaKatolika noyaAnglikani, a galikanenwe, oomwenyo dhawo dhaa se uudhigu kumbyoka ya li ye yi likola.

"Otwa hala tu tumbule ngashi Job: Ongoye we yi tu pele, ongoye we yi kutha po," osho omusamane Amuulo a ti.

Okwa gandja wo olupandu olunene kumboka ya yakula nomaliko gawo mewiliko lyomumati Johannes Jesaja Nuukunde, Oshigambo. Kumboka mwa yakula niyuma niihenguti, osho wo iiti yokudhika, Omuwa ne mu yambeke.

OMUKWETU

Oye oshifo shOngeleka onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo omumbisofi dr. Leonard Auala. Amushanga Rev. Sebulon Ekandjo.

Ondando yoshifo komumvo muSuidwes nomuAfrika alihe R 2.00, kombanda yomafuta R 4.00.

Ondando nomambesitelo naga tumwe kOmukwetu Oniipa: P/B. 2013, Ondangwa.

Omatseyitho agehe gomuntu mwene ohaga futilwa kumwene.

OWAMBOKAVANGO CHURCH PRESS
PRIVATE BAG 2013. ONDANGWA 9270